

Lescha da taglia
dalla
vischnaunca da pleiv catolica-romana
Breil/Brigels



I. Disposiziuns generalas

Art. 1

Object

La pleiv catolica-romana Breil/Brigels incassa las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad
- b) ina taglia supplementara ed ina taglia penala.

Art. 2

Dretg subsidiar

Aschinavon che questa lescha cuntegn buca autras regulaziuns, vegnan applicadas conform al senn las disposiziuns dalla lescha davart las taglias communalas e davart las taglias da pleiv sco era dalla lescha communal da taglia e dalla lescha cantunala da taglia.

II. Dretg material

Art. 3

Pei da taglia

1. Las taglias sin entradas e sin facultad vegnan incassadas en pertschiens dalla taglia cantunala sempli.
2. La radunonza dalla pleiv fixescha sil pli tard il december il pei da taglia per igl onn fiscal suandont.

Art. 4

Subject da taglia

1. Obligadas da pagar taglia ein tut las persunas che appartegnan alla pleiv sco era tut las persunas catolicas che habiteschan ordeifer il territori dalla pleiv e ch'ein obligadas limitadamein da pagar taglia tenor il dretg cantunal en la pleiv catolica-romana Breil.
2. L'obligaziun da pagar taglia sedrezza ton tenor l'appartenenza ecclesiastica dallas singulas persunas ch'ein obligadas da pagar taglia alla fin dalla perioda fiscala ni alla fin dall'obligaziun da pagar taglia, sco era tenor las disposiziuns dalla lescha da taglia cantunala.
3. En lètgs, nua ch'ils conjugals appartegnan a differentas confessiuns, ston ils facturs totals vegnir reparti mintgamai per la mesadad sin omisdus conjugals.

III. Dretg formal

Art. 5

Autoritads

1. Per exequir questa lescha ein cumpetentas - cun resalva dall'alineia 2 - las autoritads ch'ein incumbensadas cun l'execuziun dallas taglias communalas correspondentas
2. Davart l'obligaziun subjectiva da pagar taglia decida la suprastanza dalla pleiv.

Art. 6

Scadenza ed incassament

1. Las taglias dalla pleiv scadan ensemen cun las taglias communalas.
2. Ellas ston vegnir pagadas ensemen cun las taglias communalas.

IV. Disposiziuns finalas


Art. 7

Entrada en vigur

1. Questa lescha da taglia ei vegnida approvada dalla radunonza generala dalla pleiv dils 02 da zercladur 2018
Ella entra en vigur retroactiv pigl 1. da schaner 2018.
2. Cun l'entrada en vigur da questa lescha, vegnan tut las disposiziuns d'auters relaschs che stattan en cuntradicziun cun ella abollidas.

Breil, ils 02 da zercladur 2018

Il president:



.....

Igl actuar:



.....